

№ 28

5 დეკემბრისთვის 1914 წ.

მიიღება ხელის მოწმობა

წლიური ფასი

== 5 მან. ==

ქოველ კვირეული საზოგადო-ეკონომ.


ფიური და სალიტერატურო შუახნაღი

წელიწადი მესამე

ცალკე ნომერი 10 კაპ.

რედაქცია ღიაა 9-3 საათ.

მისამართი: თბილისი, გაბაევსკი ქუჩა, № 3 რედაქცია „კლდე“. დეპოზიტის: თბილისი კლდე.



ინგლისის ფლოტის დღესასწაული.



# ქურონალ „კლდის“ კანტორისაგან

ვისაც ქურონალის ფასი სრულიად არა აქვს გადახდილი, შემდეგ ნომრიდან ქურონალის გზაენა მოესპობა.

ყველა ხელის მომწერსა ვსთხოვთ ადრესის შესაცვლედ წარმოადგინოს ნოლმე 5 შაური.

## ს ა რ ჩ ე მ ი:

1. შეთაური. 2. მიხურული კარები.—ეკალისა. 3. ქართული თეატრის ადღგენის გამო.—ექ. დიმ. ჯავახიშვილისა. 4. თეთრი კაშკა. (ზღაპარი)—ინისა. 5. კვირიდან—კვირამდე. 6. ბელგია და დიდი სსხელმწიფოხი.—მეომარისა. 7. კახეთის რკინის გზა.—რ. გ—ესი. 8. გერმანელთა შიმშილები.

### თბილისი 5 ღვინობისთვე. 1914 წ.

ქართველ საზოგადოებას ჯერ ვერ მოუხედნიცა გონივრულად იმ უბედურებისაგან, რომელიც თავს დაატება საერთაშორისო ომმა ქართველ ერს დიდ რუსეთთან ერთად, რომ მას თვითონ დაატყდა საკუთარი, კერძო უბედურება; უბედურება, რომელსაც შეიძლება მოჰყვეს მარტო სიკეთე, რადგან უბედურება—ის კვერია ერისათვის, რომლის ყოველი დაკვრა უფრო სქედავს და აფოლადებს ერის გულსა. საერთო გრვინვამ და ცეცხლმა ქვეყნისამ თითქო აქაც, ჩვენს დედა გულში აანთო მგზნებარე მაშხალა, რომელმაც უნდა გაგვინათოს გზა მომავალი შეერთება-შედუღებისაკენ, როგორც მთლიანი ერისა, რომელსაც „ქირი ქირზედ დამატა“.

ეხლა გამოძებნის დრო არ არის იმ დამნაშავეებისა, რომელთაც დაუდევრად ხელთ უგდეს ულმობელ ცეცხლს ჩვენი ეროვნული განძი: თეატრი და ქართველთა შორის წ.-კ. გამავრცელებელი საზოგადოების ქონება, ეხლა დრო არ არის განსჯისა (იგი თვითონ მოვა) რადგან დღეს მთელი ყურადღება უნდა მიექცეს იმის აღორძინებას, რაც დაქცეულია, იმ კრილობათა განკურნებას, რომელნიც ბედმა გვარგუნა. ქართული თეატრი ერთი მიცვალებულთაგანია იმ მარტიროლოგიდან, რომელიც უკანასკნელ წლებში დღითი-დღე იზრდება, თითქო იმიტომ, რომ საბოლოოდ ჩაგვაფიქროს ჩვენს ბედზედ, ჩვენს დიდს ეროვნულ საქმეზედ. და დღეს სწორედ მომწიფდა ის საკითხი, რომელიც უნდა დადებითად გადაიქრას—დაარსება **ეროვნული ფონდისა**, რომელიც მარტო დღევანდელს შემთხვევაში კი არ წარგვხოცავს ცრემლებს, არამედ ყოველ გასაქირში იქნება გამოსადეგი. ყოველთვის, როცა რაიმე გა-

ქირვება ან სიხარული დაგვატყდება თავს—პირველი საკითხი ფულია, ის თანხა, რომელიც უნდა შეიკრიბოს ყველა მოვლენისათვის საბასუხოდ და დროა, ვიფიქროთ, რომ ერთი დიდი აუზია საქირო, საცა ერის პატარ-პატარა წყარომ იღინოს მუდამ, რომ ყველა წყლულს სათანადო მალამო დასდოს. დღეს, როცა ათასობით დაგვიბრუნდებიან დაქრილნი, როდესაც უნუგეშოდ დატოვებული ოჯახები ითხოვენ ლუკმას, როდესაც ქართველი ეროვნების ტაძარი თხოულობს აღდგენას ფერფლიდან, ქართველი საზოგადოება ღრმად უნდა ჩააფიქროს საერთო სახელმძღვანელო აზრმა, რომელმაც საერთო სახსარიც უნდა აღმოაჩინოს. ჩვენა გვაქვს დაწესებულებანი, ჩვენა გვყვანან სოდებანი, ჩვენა გვყავს მშრომელი და გამარჯველი ხალხი, რომელნიც ყოველთვის შესძლებენ, ძალის მიხედვით, წვლილის გამოღებას დიად ეროვნულ საქმისათვის. ვეცადნეთ, ვიშრომოთ ყველამ და ღირსეულ ბოლომდის მივიყვანთ კიდევ, თუ ერთსულოვნად ვიმოქმედებთ მთლიანი საქმისათვის ისევე, როგორც ეხლა ავმოძრავდით ნაწილობრივისათვის.

## მიხურული კარები

მე მახსოვს მე XIII კრება რუსეთის წარჩინებულ მეცნიერთა და ინტელიგენციისა ქართულ თეატრის დარბაზში, „ქართულ კულტურულ საზოგადოების“ მიერ გამართულ საღამოზედ შეკრებილი.

თეატრი გაქედლილი იყო სტუმრებით. პროფესორები და მეცნიერნი ადგილის უქონლობისა გამო „გალიორკაში“ ზედი-ზედ იხსდნენ. ყოველი დამსწრე ერთი სურვილით იყო გატაცებული:



გაიგოს, თუ ვინ და რა არის ქართველობა, საქართველო.

დღის ყურადღებით უსმენდნენ ქართველ ლექტორებს, რომლებიც დინჯად, დარბაისლურად და საგნის ცოდნით უცხოელ სტუმრებს ქართველ ერის ვინაობას და მის ეროვნულ კულტურულ შინაარსს აცნობდნენ.

რუსთა აუდიტორიის წინ გაიარა წარსულმა ისტორიამ ქართველი ერისა, მის წარჩინებულ გვამთა მისმა ლიტერატურამ, მუსიკამ, ხელოვნებამ.

წარმოუდგენელი იყო რუსთა განათლებულ ხალხის გაკვირვება.

ბევრი ერთგვარ მოუხერხებლობასაც ჰგრძნობდნენ.

„მოვდიოდით, ჩვენის წარმოდგენით, ველურ ქვეყანაში და ძველად-ძველ ცივილიზაციის ბუდეს წააწყდითო“, — გულხდილად სთქვა ერთმა დამსწრე რუსმა პროფესორმა.

ჩვენ თვალწინ გადიშალა ჩამოყალიბებული კულტურული ერი, ამაყი და ძლიერი თავის დიად წარსულით და სამართლიან იმედებით სამშობლოს აღორძინების ახლო მომავლისაო. და ამ დანაშაულის გამოსასწორებლად რუსთა განათლებული ხალხი აღფრთოვანებით მიეგება ქართველ ლექტორებს.

დარბაზში ტაშის გრიალი დიდხანს არ სცხრებოდა.

მაგრამ საუცხოვო იყო ის წუთი, როდესაც ერთმა ლექტორმა თავისი ბოლო სიტყვები თავაზიან საყვედურით დაამთავრა;

„თქვენ, ბატონებო, ამ რამდენიმე დღის წინად მეცნიერულ სხდომაზედ ერთხმად სურვილი გამოსთქვით, რომ ერთი მძვირფასი მცენარე, რომელიც მარტო ამიერ-კავკასიაში იზრდება, აუცილებლად მოვლილი და შენახული უნდა იყოსო, რომ მეცნიერებას და კაცობრიობას ასეთი ძვირფასი განძი არ დაეკარგოსო, განა პატარა ისტორიულ-კულტურულ ქართველ ერის შენახვა კაცობრიობისათვის უფრო საჭირო არ არის? ქართველი ერი ბევრად ძვირფასი განძია, რომლის მსგავსი თავის განსაკუთრებულ ეტნოგრაფიულ თვისებებით, კულტით, მუსიკით, მდიდარ ისტორიულ წარსულის ტრადიციებით, დედამიწის ზურგზედ არ მოიპოვება. და ამიტომ თქვენც, ბატონებო, როგორც პროგრესის და ცივილიზაციის წარმომადგენლებს ამ პატარა ქვეყნის შენახვაც გვეალეუბათ“.

ქართულ თეატრის დარბაზს რუსების ოვაციებისაგან ზანზარი გაჰქონდა.

გუშინ თქვენ არ გიცნობდით, დღეს კი ჩვენი გულის კარები ქართველი ერის ბუნებრივ მოთხოვნილებათათვის ღიაა, ამბობდა იმ წუთს განათლებული მოწინავე ინტელიგენცია რუსეთისა.

მაგრამ ის იყო მარტო წუთი... თანამედროვე ეგოისტურ-პოლიტიკურ ინტერესთა ხანაში ეს გულის კარებიც მიიხურა. დღევანდელი დიადი და გამწვავებული საერთაშორისო ბრძოლა ნათლად გვიმტკიცებს, რომ ზოგჯერ არამც თუ ყველა ისტორიულ-კულტურული საგანძური უყურადღებოდ მიტოვებულია, არამედ გათელილიც... რადგანაც ამ წუთში მის ალაგას ერთი ძლიერი ფაქტორი ჩნდება:

პოლიტიკური.

პოლიტიკური ინტერესი ყველა სხვა საგანძურსა ჩრდილავს და სიმპატია—ანტიპათიის გრძნობებსაც ახშობს.

და აი, დღეს, როდესაც საერთაშორისო ასპარეზზედ პოლიტიკური ინტერესი გამეფდა, საქართველოს ღირებულებაც ამ ინტერესთა მიხედვით იზომება.

შენ ძალა გაქვს მიშველო ან ხელი შემიშალო, მაშ შენ ფასიცა გაქვს... არც ერთში გამოსადეგი არ ხარ, მაშ არაფრად ღირხარ! ამბობს ეს პოლიტიკა.

გადაშლეთ დღევანდელი ლიბერალური რუსული გაზეთები.

ვინ არიან მოწვეულნი დღეს რუსეთის ახალ-პოლიტიკურ სამზარეულოში?

ყველანი, ქართველების გარდა.

იქ შეგხვდებათ—პოლონელი, ებრაელი, ფინი, ესტი, რუსინელი, უკრაინელი სომეხი...

ქართველს კი ვერსადა ნახავთ.

რატომ? იმიტომ, რომ დღევანდელ რუსეთის პოლიტიკურ წრეების წარმოდგენით საქართველოს პოლიტიკური ღირებულება არა აქვს.

ეს ახრი მეტად სხარტულად და მასთან გულუბრყვილოდ ბ. მილუკოვის გაზეთმა გამოსთქვა, როდესაც მოურიდებლად აღნიშნა, რომ ამიერ-კავკასიაში მისი ყურადღება მარტო სომხებისაკენ არის მიქცეული და ქართველობას ყური არც ათხოვა.

რა დიდი შეცდომაა...





დაჭრილი ავსტრიელი მოსკოვის ლაზარეთში.

აქ კვლავ მაგონდება ზემო ნახსენებ რუს პროფესორის ბოდიში და სინანული.

„ჩვენ გვეგონა ველურებთან მოვდივართ... მაგრამ სულ წინააღმდეგი აღმოუჩენია:

კულტურული ერი.

ქართველი ერის პოლიტიკურ დაფასებაში ეს შეცდომა მეორდება. და ამიტომ დროა ჩვენც გავიხსენოთ ეს მხარე და მოკლედ მიანიც ავწონ-დავწონოთ წარსული, აწმყო და მომავალი პოლიტიკური შინაარსი ქართველი ერისა და სამართლიანი ფასიც დავსდოთ. წარსულში ეს ღირებულება მეტად მარტივია.

პატარა საქართველო იყო პირველი და ძლიერი ავანპოსტი რუსეთის სახელმწიფოებრივი ინტერესების დაცვისა წინა აზიაში.

1801 წლიდან დაწყებული, 1878 წლამდის ქართველ ერს იარაღი არ დაუყარია. გლეხი, აზნაური, თავადი ერთგულად და თავგანწირულად მხარ და მხარ რუსებთან ერთად სასტიკ ბრძოლას ეწეოდა რუსეთის იმპერიის მტრებთან.

ამიერ კავკასიაში ერთი კუნძული, ერთი ბილიკი არ მოიპოვება, რომელიც არ იყოს ქართველ მეომრის სისხლით მოარწყული და მისი ძვლებით მოფენილი, რუსეთის სადიდებლად.

სპარს-ოსმალეთის სიმაგრენი ამიერ კავკასიაში

ქართველების დახმარებით სამუდამოდ დანგრეულ იქნება.

ამას მოწმობს სამხედრო ბრძოლის ისტორია წარსულ საუკუნისა, რომელიც დღეს თავაზიანად არხივში მიიმალა.

გადაშალეთ მისი ფურცლები და რას ნახავთ: წინა აზიაში ორი ძლიერი ერი იბრძოდა რუსეთის საქმისათვის:

პირველი თვით დიდი რუსეთი

მეორე—პატარა საქართველო.

პირველისა იყო რეგულიარული ჯარები

მეორისა სარდლები და თვით მთელი ქართველი რაინდობა გამოქედილი ცეცხლში და მახვილში.

არც ერთი მტრის რაზმის დამარცხება, არც ერთი მისი ციხის აღება-დანგრევა უქართველებოდ არ მომხდარა.

თამამად შეგვიძლიან ვაღვიაროთ, რომ წინა აზიის დაპყრობის საქმეში ქართველ ერს დიდი წილი უღვეს. ამის მოწმეა ის წაუშლელი ძეგლები, რომელიც რუსეთის მთავრობამ აუკო ქართველ ერს: ახალციხესა, შატილში და სხვა ადგილებში. ამასთან ყველა ქართველთა ტომს აქვს უმაღლესად სამხედრო დროშები. ნაბოძები ქართლ-კახეთი, იმერეთი, გურია და სამეგრელო წმ. გიორ-



გის ხარისხის დროშებითა დაჯილდოებული და დღემდისაც დროშები ქართველობას აბარია.

ასეთია მოკლედ წარსულ საუკუნის ქართველობის მოღვაწეობა.

ახლო წარსულშიაც არ იცვლება ეს სურათი.

მე-XX საუკუნის დასაწყისში, ახალ რუსეთის პროგრესულ მოძრაობაში, მოწინავე რუსთა საზოგადოებასთან ერთად ქართველები ასევე თავგანწირვით იბრძოდნენ და მისი მრავალნი შვილნი მსხერპლად შეეწირნენ ახალი რუსეთის შექმნის საქმესა.

აქაც ქართველი ერი, განურჩევლად წოდებისა იბრძოდა საერთო რუსეთის ინტერესებისათვის, იბრძოდა და ისეთი თავგამოდებული ენტუზიაზმით, რომ არც ერთხელ თავისი საკუთარი ინტერესები სერიოზულად წინ არ წამოუყენებია.

ამის საბუთი გინდ ის გახლავთ, რომ აქამდის სახელმწიფო სათათბიროში ქართველი ერის წარმომადგენლებად საერთო ინტერესებით გამსჭვალული სოციალისტი დეპუტატები იგზავნებოდა.


დღესაც, იმპერიის გასაჭირის დროს, საქართველომ 100,000 რჩეული მებრძოლი, მრავალი ქართველი აფიცერი წარბშეუხრელად რუსეთს შესწირა და მათ შინ დაბრუნებასაც აღარ მოელის.

და ყველა ამას სჩადის თანახმად იმ პოლიტიკური ანდერძისა, რომელიც დაუტოვეს საქართველოს ჩვენმა წინაპრებმა: მართლმადიდებელ რუსეთთან ერთად ერთგულად ებრძოლეთ საერთო იმპერიის მტერსა. ამით დიდ რუსეთსაც ევალება, თანახმად საქართველოს რუსეთთან ხელშეკრულობის პირობებისა, ქართველი ერის ნაციონალური სახის შენახვა და პატრონობა.

ამ იმედით და რწმენით დღემდის ქართველი ერი თავდადებულად სწირავს თავის საუკეთესო შვილებს დიდ იმპერიის საქმეს.

იქნებ ამ ერთგულებამ შეიყვანა შეცდომაში ბრძენი ბელადი კადეტთა პარტიისა და იქნება ამან წააშლევინა პოლიტიკური რუქიდან ქართველი ერი?

დიდი და საშინელი შეცდომაა!



რიქსის საუცხოვო ტაძარი (დანგრეული გერმანელებისაგან).



ქართველობის ასეთ ერთგულობას რუსეთისადმი სარჩულად საფუძვლიანი, მწყობრი პოლიტიკური იდეა უდევს.

რუსეთის გაძლიერებისათვის აქამდის საჭირო იყო საქართველოს ძალებიც და აკი, მიუხედავად იმისა, რომ საქართველოს შინაური საქმეები აწეწილი იყო, ყველაფერი შევწირეთ და უკანასკნელი ძალებიც შევალიეთ. ეხლა, გაძლიერებული რუსეთია საჭირო იმ პატარა ერთა ეროვნულ საქმის მოწყობაში და განსაკუთრებით კი საქართველოსთვის, რომელმაც თავისი შვილთა დიდძალი მსხვერპლით რუსეთის წიძლიერეს წინა აზიაში მეტად ბევრი შეჰმატა.

საქართველოს არავისთვის უღალატნია, მით უმეტეს თავის თავისათვის. და თუ გავლენიანი ლიბერალური კადეტთა პარტია მომავალ „ლხინში“ ქართველებს კარებს უხურავს, ეს მაჩვენებელია იმისა, რომ საქართველოს პოლიტიკური ღირებულება წინა აზიაში ჯერ მათთვის სრულიად უცნობია.

არც წინა აზიისა, არც საქართველოს ისტორია ჯერ არ დამთავრებულა და არც ახლო მომავალში დამთავრდება.

აგე გადახედეთ შორეულ აღმოსავლეთს... იწყობა, ირაზმება მუსულმანთა ქვეყნები, პანისლამიზმის ძლიერი მიმდევარნი, თავის დროშებსა შლიან და ამიერ-კავკასიის საზღვრებს აღდანან.

დღეს თუ არა, რამდენიმე წლის შემდეგ ეს ტალღა აქაც აუცილებლად გადმოვარდება.

აგე, გაიხსენეთ ის ახალი და დიადი ფაქტორი, რომ მახლობელ აღმოსავლეთის საკითხი ბალკანეთიდან ამიერ-კავკასიის კიდეებს მოადგა, სიდაც გამოისახება მომავალი მწყობრი და ორგანიზული ინტერესები მრავალ ევროპის და აზიის ქვეყნისა.

კარების მიხურვა ქართველ ერისათვის ამ გამწვავებულ დროს და ამ ალაგას პოლიტიკური სიბეცე იქნებოდა, მეტადრე ისეთ გავლენიან პარტიისათვის, როგორც კადეტთა პარტიაა, რადგანაც საქართველო და ქართველი ერი საერთაშორისო ასპარეზზედ, დღესაც პატარა, მაგრამ ჩაუქრობელი ეროვნული ძალაა.

ძალა, რომელიც ვერც წარსულმა შეაგმა ძალებმა აზიისამ ჩააქრეს და ვერც დღევანდელი ბრძნული დიპლომატიურ-ვაჭრული მოქმედება ჩააქრობს კადეტებისა.

ერის ძალას დიპლომატები კი არა ჰქნინან,

არამედ თვით ერის თვითმოქმედების უნარი. მისი განუზომელი სურვილი სიცოცხლისა, მისი იდეალები და გარშემო პირობანი.

ეს კი მოითხოვს რუსეთის პოლიტიკურ მოღვაწეთაგან, მით უმეტეს მისი მოწინავე წრეებისაგან ერთს აუცილებელ ფაქტსა:

პოლიტიკას ღია კარებისას.

ეკალი.

## ქართული თეატრის აღდგენის გამო

ჩვენი ხალხის აწმყო კულტურულ-ეკონომიურ მდგომარეობის თვალთ რომ შევხედოთ სათავდაზნაურო ქარვასლის თეატრის და წ.-კ. საზოგადოების წიგნის საწყობის დაწვას, ამითი ისეთი დიდი ზარალი დაგვატყდა თავსა, რომ იგი უბრალო დანაკლისად კი არა, მთელ კატასტროფად უნდა ჩავთვალოთ, რადგან ჩვენ ეროვნულ ეკონომიურ საღაროში არც ნაღდი და არც გაცემული არ მოიპოვება. ეკონომიურად ძლიერი წოდება ან კლასი რომ გვეყავდეს, მაშინ აგრეთი მწვავე საგრძნობელიც არ იქნებოდა ეს ზარალი, რადგან საკმარისი ორი-სამი მდიდარი ქველმოქმედი მამულიშვილის უხვი სურვილი შეწირულებისა და მთელი დანაკლისის აღდგენაც მზად იქნებოდა. სხვა შეძლებული ერების ცხოვრებაში ასობითა და ათასობითა ესეთი მავალითი. ჩვენ კი სულ სხვანი ვართ „როცა გვექონდა ვფლანგეთ“... ეხლა კი ღარიბნი ვართ. მაგრამ შორს უნდა იყოს ჩვენგან სასოწარკვეთილება და დაღონება! ჩვენ უნდა შევძლოთ თითქმის შეუძლებელი, — ახლო მომავალში უნდა აღვადგინოთ უპირველესად ძვირფასი კულტურული საუნჯე — ქართული თეატრი, ან ახალი ავაშენოთ, უკეთესი სახისა და თვისებისა. ამასთან უნდა მოკრძალებით ვაღიაროთ „დამწვარის“ ხსოვნის წინაშე, რომ ხალხისაგან აღდგენილი ტაძარი უფრო ძვირფასი, საყვარელიც იქნება, რადგან მის აღდგენაში ჩაყოლილ იქნება ხალხისაგან მონაგარი ზოგჯერ უკანასკნელი გროშიც — გამონაწერი სულიერი სიძლიერისა. ამისთვის ჩვენ უნდა ვეცადნეთ, რაც შეიძლება პოპულიარული გავხადოთ აზრი ჩვენი დამწვარი თეატრის აღდგენისა. დაუყონებლივ უნდა ამოქმედდეს ყველა ჩვენი კულტურულ-განმანათლებელი დაწესებულება-საზო-



გადოებანი. დიდი ღვაწლი უნდა დასდონ არსებულ-მა პოლიტიკურმა პარტიებმა, რათა სული ჩაჰბე-რომ ამ დიად აზრსა. უნდა შეექმნათ პროვინციებ-ში კომიტეტები თეატრის აღდგენის“-თვის საჭი-რო თანხის მოსაგროვებლად. ყოველი შეგნებული ქართველი დარაჯად უნდა უდგეს ამ საქმის კეთი-ლად წაყვანას, რათა, რაც შეიძლება მალე დავიმ-შვიდოთ ისედაც დიადი მომენტით გატაცებული, აღელვებული გული. იქნებ პირველად ამაში გამო-იხატოს აწმყოსთვის საჭირო, სავალდებულო ეროვ-ნული ერთსულოვნება-გაერთაცება. იქნებ განგები-საგან განზრახაც იყოს მოვლენილი ამ მნიშვნელო-ვან მომენტში ეს თავზარდამცემი ზარალი, ჩვენი სულიერი შესაძლებელი სიძლიერის წინასწარ გამო-საცდელად. მაშ შევძლოთ შეუძლებელი—ადვადგი-ნოთ ქართული დამწვარი თეატრი.

ექ. დი. ჯავახიშვილი.

## თეთრი კოშკი

(ზღაპარი)

სადღაც, ცხრა მთას იქით, ერთ ზატარა სამეფო-ში, მადჯა მთის წვერზე, ერთი დიდი, დიდი, ძლიან დიდი კოშკი იდგა. სულ თეთრი, კამკამ მარმარილოს თლილი ქვით იყო საკები. თავი ცის სივრცეში ეკარგე-ბოდა. კოშკის გარშემო, მთის კალთებს საუცხოვო წაღ-კოტი აშკობდა. კოშკის ძირას მწვანე ხავერდზე მთის ვეფილებს მოკვალათხათ; მოშორებით სარო ტანთან წიწვიან ხეებს მოყნასთ თავისთვის ბინა; შემდეგ კი ათასნაირი ფოთლანთი ხეები იშლებოდნენ თვალწინ. ალაგ-ალაგ სსვა და სსვა ფერის ბუჩქები იყო მოფან-ტული. გარშემო სურნელება იბნეოდა. ბუჩქების ძირას ნახი ია მორცხვად იდიმებოდა. წაღკოტის შუაგულში მარმარილოს შადრევნიდან ღურჯი კამკამა წყალი გად-მოდებოდა და ჭაფად ეთინებოდა მარმარილოსვე უხარ-მაზარ ჭუხებს. წაღკოტის მთელ სივრცეზე მთის ზა-ტარა, გიჟმაჟი მდინარე მიქანებოდა და მთის ძირას მდებარე ტბაში ჩასრიალებდა, ტბის ზედაპირს აჭაფებდა და აქეთ-იქით მზისგან აზნინებულს მარგალიტის მარ-ცვლებს ისროდა. ტბას სსხე ხან უნაოჭდებოდა, ხან-ეს-სნებოდა და მზის სხივებს ათამაშებდა. ტბაში თეთრი კედლების გუნდი დასრიალებდა, ხან იშლებოდა და ხან იფანტებოდა, ხან კიდევ იკუმშებოდა, თეთრად ღაზღა-ზებდა აღიოდა მადჯა და წაღკოტის მჩქეფარე შადრე-

სებისკენ მიეშურებოდა. წაღკოტში მკალობელ ფრინ-ველთა ჟივილ-ხივილი ისმოდა. გარს ხეებს გაჭქონდათ ზრავი და მიდამო სიგრილით ივსებოდა.

კოშკიდან ხანდისხან ისეთი საამური იღუმალი ხმე-ბი გამოდიოდა, რომ მთელი არე-მარე იხიბლებოდა: ხე-ების შრიალი სდგებოდა, ფრინველთა ჟივილ-ხივილი სწვდებოდა, ცელქი მდინარე მხოლოდ და ჟღმურტულებ-და და გქდების გუნდი ტბაზე ინახებოდა.

ზატარა სამეფოში ქალი მეფობდა. ხალხი მეტ სა-ხელად მეფე ქალს მზეკინარს ეძახდა. სწორედ რომ ზედ გამოჰრილი იყო ეს სახელი. ისეთს შუქსა ჭიუნდა ქალის სახე გარშემო, რომ მზის შუქი იმასთან შედარე-ბით მსუტუტავი ვარსკვლავის შუქად მოსჩანდა.

შორს იყო გაჯარდნილი მზეკინარის სახელი. მეფე თავის განიერებით და სიღამაზით ეველას ჭიხილავდა. ქვეშევრდომნი აღმერთებდნენ და სულში ისყამდნენ.

დიდით უფრთხილდებოდა მზეკინარი თეთრ კოშკ-სა, უვლიდა, აშკობდა.

კოშკი ოდესღაც ერთს გრძნულ მეფეს აეგო, და-ეხარებინა ხალხი და ასე ეთქვა: ამ კოშკში ჩვენი ქვეუ-ნის ბედ-იღბალი ინახება და ისე უნდა გაუფრთხილდეთ, როგორც თქვენს თვალის ჩინსა, თორემ უბედურობა გეწვევთო. ამ სიტუების შემდეგ მეფე გამოსთხივებ-ბოდა ეველას და უცბად სადღაც გაქრალიყო.

ეს ამბავი კარგა იცოდა მზეკინარმა და მტერს არ ახარებდა: მეფე-ქალმა კოშკს აღმასის კბილებიანი ღაბი-ერი შემოავლო, ღაბიერის ქვევით ღოდის ოდენა ღაღე-ბი შემოუშვარია. კოშკის სარკმელების ზედა რიგს საფი-რანები ჩაუსხა. კოშკის თეთრს კედლებზე ზოგან ღომ-თა ბრძოლა გამოავლეთინა, ზოგან ირმის მსროლელი ღაღი მონადირე, ზოგან გმირთა შეჯახება, ზოგან ძლევა მო-სილი ჯარის შინ დაბრუნება.

ხალხმა კოშკს სახელად მზეკინარის კოშკი უწოდა.

ერთხელ მეფე გამარჯვებული ბრუნდებოდა სახლში. კოშკს რომ მოუხსლოდა, კოშკის სარკმელებიდან ნარ-ნარმა ხმებმა იწყო დენა, მიდამო ციური ჭანგებით გაიფ-სო. მეფის ქება ისმოდა. უცბად კოშკის ერთ მხრიდან სხივთა კონა გამოკრთა, მარათხაბე გაიშალა და მზეკი-ნარს თავს გადაეულო. სხივებში სიტუვით აწქერელი სა-მეფო კვირკვიანი გამოჩნდა. ნელ-ნელა მოძრაობდა და თავის ზატარას თვლებში სხივების ანარეკლებს აციმიცი-მებდა.

ერთ მშენიერს დღეს ხმა გაჯარდა, რომ მზეკინა-რი ძლიან ავად გახდა. დიდიდანვე სასხლის გარშემო აურბებელმა ხალხმა მოიფარა თავი. ეველანი მოუსვენრო-ბას გრძნობდნენ. ეველას გული უკუნისოდა.



დადამდა. უცბად მიდამო გულისკლავმა გმინავი მო-  
იცვა. ხალხი შეძრწუნდა.

— მსხვიანარის კოშკი კენესის, ხალხნო! მსხვიან-  
არის კოშკი! წამოიყვირა ერთმა თავზარდაცემულმა.

უვალამ თეთრს კოშკს მიახურა თვალეზი. კოშკიდან  
სისხლის ფერი შუქი გამოდიოდა და თან გულისკლავი  
ხმა გამოსდევდა.

— ხალხნო, ჩვენს თავს რაღაც უბედურებაა! — და-  
იყვირა ასლა მეორემ.

— დიას, ჩვენს თავს უბედურებაა. — სთქა ამ დროს  
ზედ დატანებით სისახლიდან გამოსულმა დიდებულმაცა. —  
ჩვენმა მზემ სული განუტევა.


ხალხს ენა ჩაუვარდა, გაშრა.

კოშკი კი მთელი დამე სულ გმინავდა.


გაქრა მსხვიანარი და ქვეყანას მზრუნველი ხელი  
მოაკლდა. თეთრი კოშკი მტერმა ხელში ჩაიგდო, ჭერ  
გაძარცვა და მერე ნგრევა დაუწყო. თვითეულ ქვის გად-  
მოგდებაზე კოშკი ისეთას გმინავდა, რომ არე-მარე ცო-  
დით იწოდა. კედლები ადამიანის სხეულივით იგლიჯე-  
ბოდა და თეთრი კამკამა მარმარილო სისხლით იღებო-  
და. კოშკის წაღკოტი გავრანდა, მთის ტელქი მდინარე  
სადღასაც გაჭქრა, ტბა ჭაობად იქცა და გველ-ბაყაით  
აივსო.

ხალხიც დაღუპვის გზას დაადგა.

ინი.



ავსტრიელთა მძიმე არტილერიის გაუბიცა.



გერმანელთა მძიმე არტილერიის ზარბაზანი, რომლის  
თვლები შექვილია ფოლადის ფიცრებით სიმძიმით  
რომ მიწაში არ იფლობოდეს.



# კვირიდან—კვირამდე

**ახალი შეწირულება.** როგორც გადმოგვცემენ ცნობილ ქველმოქმედ ზუბალაშვილს დამატებით შეუწირნია რუსეთის ქალთა საზოგადოებისათვის (დაქორილების მოსაფლელად) 200,000 მანეთი.

მასთან ამავე წყაროდან გვეცნობა რომ გრაფინია ე. ვორონცოვ-დაშკოვისას ამავე მიზნით გადასცა 25,000 მანეთი.

**ზ. დ. ბაქრაძის დაჯილდოება.** ზაქარია დიმიტრის ძე პოდპოლკოვნიკი ბაქრაძე (ცნობილი ისტორიკოსის დიმიტრი ბაქრაძის შვილი) ვაჟკაცუ-

რი ქცევის გამო ქ. ლოვოვის აღების დროს, მთავარ-სარდალის მიერ პოლკოვნიკის ჩინითა და ოქროს იარაღით იქმნა დაჯილდოვებული.

**შტაბს-კაპიტანი ლ. გ. გაბაშვილის სიკვდილი.** პრუსიის საზღვარზედ მძიმედ დაიჭრა გორის მსროლელთა ბატალიონის კაპიტანი და ქართველ საზოგადოებისაგან ცნობილი, ლევან გრიგორის ძე გაბაშვილი. ამ რამდენიმე დღის წინა დ მძიმე ჭრილობებისაგან ლევანი გარდაცვლილა.


**სამელიორაციო კრების მოწვევის გამო.** სამელიორაციო ბიურო დეკემბერში ამიერ კავკასიის სამელიორაციო მოღვაწეების მოწვევას მაინც აპირობს. არ ვიცით, რა აზრი აქვს ამ კრების ამისთანა-




ზ. დ. ბაქრაძე.



გიორგი პავლეს ძე არჯევანიძე (ხელში დაჭრილი პრუსიის საზღვარზედ).



ფრანგული მძიმე გაუბიცა (რამილიო).



ინგლისური ზარბაზანი.



ბა გაქირვებულ დროს მოწვევასა. სოფელი დაც-  
რიელდა, ამ საქმის მკოდნენი, რომლის მონაწი-  
ლეობა მეტად სასურველი იქნება, აიშალ-დაიშალ-  
ნენ. საზოგადო მოღვაწენიც დღევანდელ ომიანო-  
ბით გამოწვეულ საქირ-ბოროტო საქმეებით დატვირ-  
თულნი არიან. და ვილამ უნდა მიიღოს მონაწილე-  
ობა ამ კრებაზე! ასეთი სერიოზული საგნები,  
როგორც სამელიორაციო კანონ-პროექტების გან-  
ხილვა, სამელიორაციო საქმის ამიერ კავკასიაში  
ახლად მოწყობა და სხვა, საქიროობენ უფრო მშვიდ  
ხანას და მეტი ხალხის მონაწილეობის მიღებას.  
არც ერთი და არც მეორე ხელს არ უწყობს ამ  
კრების ამა წლის დეკემბერში მოწვევას. და უფრო  
გონიერად მოქიცვოდა საორგანიზაციო ბიურო თუ  
ამ კრებას სხვა დროისთვის გადასდებდა.

**ო მ ი ს მ ა ტ ი ა ნ ე .**

27 ენკენისთვის გერმანელებმა ორი კვირის  
აღყის შემდგომ აიღეს უდიდესი ევროპული ციხე-  
ქალაქი ანტვერპენი.

ამავე დღეს გარდაიცვალა რუმინის მეფე კარ-  
ლოს 1 და რუმინის ტახტზედ ავიდა მისი მემკვიდ-  
რე ფერდინანდი.

28 ენკენისთვის გერმანელთა წყლის ქვეშ მა-  
ვალმა ნაფებმა დაღუპეს რუსეთის კრეისერი „პალ-  
ლადა“. „ბაიანი“ და „ადმირალი მაკაროვი“ შემ-  
თხვევამ გადაარჩინა ასეთსავე ბედსა.

29-ს გერმანელებმა აიღეს გენტი.

**ბელგია და დიდი  
სახელმწიფოანი**

ეხლანდელს ომში სამთა შეთანხმების სახელ-  
მწიფოთ ე. ი. რუსეთს, ინგლისს და საფრანგეთს  
განუზომელი სამსახური გაუწია პატარა ბელგიამ,  
რომელიც სამკუთხი სოლივით ჩაქედილა გერმანია-  
სა, ინგლისსა და საფრანგეთს შორის და ჩრდილო-  
აღმოსავლეთ და სამხრეთ-აღმოსავლეთ კუთხეებით  
მიკრულია ჰოლანდიასა და ლუქსამბურგზედ. ბელ-  
გია ისევე, როგორც ჰოლანდია და პაწია ლუქსამ-  
ბურგი ევროპიელ დიდ სახელმწიფოთაგან აღიარე-

ბული იყო ნეიტრალურ სახელმწიფოთ და მაშასა-  
დამე მ სი ტერიტორიის ხელშეხება არავის შეეძ-  
ლო. ამ რიგად მისი პოლიტიკური ბედი საუკეთე-  
სო პირობებში იმყოფებოდა და არავითარი საფრ-  
თხე არ ელოდა, რაც მეტად აადვილებდა შინაურ  
ცხოვრების განვითარებას. იგი არ იყო იძულებუ-  
ლი თავით-ფეხამდე შეიარაღებას, მაგრამ მაინც თა-  
ღარიგს იქერდა: ჰყავდა შესაფერისი ჯარი, აგებუ-  
ლი ჰქონდა ციხეები (ლიევი, ანტვერპენი, ნამიუ-  
რი და სხ.) და თოფხანა-ქარხანები. გარდა ამ  
სტრატეგიული სამზადისისა, ბელგია ყოველთვის  
პოლიტიკურად საფრანგეთისკენ ილტოდა, რაც გა-  
დაქრით ნამეტნავად ეხლა აღმოჩნდა, თუ გამარ-  
თლდა საბოლოოდ ის ხმები, რომ შარშან ბელგი-  
ის მთავრობა სამხედრო კონვენციით შეეკრა საფ-  
რანგეთისას, რომლის ძალით ჯერ კიდევ ლიეჟთან  
გერმანელებს წინააღმდეგობას უწევდა უმთავრესად  
საფრანგეთის და არა ბელგიის ჯარი. თუ ეს ასეა,  
მამინ ბელგიის ნეიტრალიტეტი მისსავე მთავრობას  
დაურღვევია და გერმანიისაგან გამხეცვებულ აკლე-  
ბა-აწიოკებას თითქო ზნეობრივი სიბნელე სცილდე-  
ბა ოდნავ, თუ კი ზნეობაზედ შეიძლება ლაპარაკი  
პოლიტიკისა და სტრატეგიის სფეროში. მაგრამ  
იმისდამიუხედავად თუ ვინ არის დამნაშავე ამ საქ-  
ციელში, ბელგიამ მამაცურად გასწირა თავი და  
ამით დაუფასებელი სამსახური გაუწია სამთა შეთან-  
ხმებას; იმდენად დაუფასებელი, რომ შესაძლებელია  
მის თავგამოდებას საბედისწერო შედეგები მოჰყვეს  
გერმანიის არა მარტო ეხლანდელ სამხედრო კომ-  
პანიისა, არამედ ისტორიისათვისაც. ნუ დავივიწ-  
ყებთ, რომ თანამედროვე ომში განსაკუთრებულ  
მნიშვნელობას იღებს სისწრაფე; იმდენად განსაკუთ-  
რებულს, რომ ბევრჯელ ერთი დღით დაგვიანება-  
საც კი შეუძლიან მთლად დაღუპოს ზოგიერთი  
ლაშქრობა. სწორედ ამ სისწრაფეზედ ამყარებდა  
გერმანია თავის სამხედრო გეგმას, რადგან ჯერ  
ერთი იგი ყველაზედ უკეთ არის მომზადებული  
ომისათვის ტეხნიკურად და მაშასადამე ყველაზედ  
უწინ შეეძლო მოესწრო მზაობა (მობილიზაცია) და  
მეორეც ომის გაქიანურება — გერმანიის დამლუპე-  
ლია. დრო, — აი გერმანიის ბედის მკვერელი სტი-  
ქიონი. „ელვასებური იერიში“ იმიტომ იყო აყვანი-  
ლი გერმანიის სამხედრო მეცნიერებაში უმაღლეს  
საფესურზედ, რომ იგი ამ ომში გერმანიისათვის  
აუცილებელი იყო: ორ ფრონტზედ ბრძოლა ორს  
ისეთ მძლავრ მოწინააღმდეგესთან, როგორიც არიან  
რუსეთი და საფრანგეთი გერმანიისათვის ერთსა და



იმავე დროს—დიდს გასაჭირს წარმოადგენს თავის-თავადაც და თუ მხედველობაში მივიღებთ, რომ ინგლისს მხოლოდ რამდენიმე თვის შემდეგ შეუძლიან საკმაო ჯარის მიშველება—ნათელი ხდება, თუ გერმანიისათვის სისწრაფეს რა პირველ ხარისხოვანი მნიშვნელობა ჰქონდა. ასეც ჰქონდა გადაწყვეტილი ვილჰელმს: ერთის დაკვირვებით გაენადგურებინა საფრანგეთის ჯარი, აეღო პარიზი, შეეწერა დიდი კონტრიბუცია და მოჰპრუნებოდა რუსეთს, რომლის მოუშზადებელ ჯარებს იმ დრომდე თამამად შეიმაგრებდა ავსტრია და გერმანიის ციხე-სიმაგრეები. მთელი ეს გეგმა, მართლაც ნამდვილ ფაქტებთან შეფარდებული და მაშასადამე ადვილად სისრულეში მოსაყვანი, დაიმსხვრა ბელგიის ზღუდეებთან. ბელგიის წინააღმდეგობა იმდენად მოულოდნელი იყო, რომ ომის დასაწყისში, გაზეთების ცნობებით, გერმანელი ოფიცრები და ჯარისკაცები გაკვირვებულნი იყვნენ: მათი უფროსების სიტყვით — ბელგია უბრძოლველად გაატარებდა მთელ ჯარსა. ამბობენ, რომ სურსათიც კი არა ჰქონდათ საკმაო. ამ მოულოდნელმა შეფერხებამ, რომელიც თავისთავად მცირე ეპიზოდს წარმოადგენს დიდი ომისას, შეძლება მისცა, ერთის მხრით, საფრანგეთს თავის უმწეო მდგომარეობიდან გამოსვლისა და საკმაო ჯარის შეკრებისათვის და მეორე მხრით, რუსეთს დრო დარჩა თავისი ურიცხვი ჯარი საზღვრებისაკენ გადაეყვანა. თითქმის მთელი თვე შეაჩერა ბელგიამ გერმანიის ნიაღვარი და ამ გაუთვალისწინებელმა გარემოებამ ძირიანად შესცვალა გერმანიის ომის ტემპი: საფრანგეთი და რუსეთი მოემზადნენ და ამით ომი „ელვისებური იერიშებიდან“ ხანგრძლივ ბრძოლად გადააქციეს. ეს მით უფრო საშიშია გერმანიისათვის, რომ ეკონომიურად და ფინანსიურად გერმანია ხელსაყრელ პირობებში ვერაა ხანგრძლივ ბრძოლისათვის. თანამედროვე ომის ხარჯები მეტად დიდია, მისი ზეგავლენა ხალხის ეკონომიურ დაქვეითებაზედ მეტად შესამჩნევი და გერმანიისათვის ყველა ორკედლება იმით, რომ ინგლის-საფრანგეთის ფლოტმა ყოველმხრივ გზა შეუკრა, რის გამო სურსათი ვერ შემოაქვს საკმაო, ნაწარმოები თავისი ვერ გააქვს წესიერად და ცუდ პირობებში ჩავარდნილს ფულსაც არავენ ასესხებს.

გერმანია გასაჭირშია და თუმცა ფაქტიურად ორი წლის განმავლობაშიაც შეუძლიან სასტიკი ბრძოლა მისი ხსნა გამუდმებულ გამარჯვებაზედა და მყარებული მხოლოდ: რამდენჯერაც ღონიერად დაპყრავს მტერსა, იმდენად გარეშე მაყურებელნი

მეტს ანგარიშს გაუწევენ, იმდენად მოპირდაპირეთა ძალების დაქსაქსვანა მოსალოდნელი. ყველა ეს მარცხი დამართა ბელგიამ გერმანიას და გასათვალისწინებელია რა შედეგი მოსდევს ამას ბელგიისათვის. გერმანია, რაღა თქმა უნდა, სასტიკად მოექცა ბელგიას და მთელი ეს პატარა ქვეყანა იავარჰყო. მაშინ როდესაც ჯარი რომ გაეტარებინა თავისუფლად, ან მარტო პროტესტით შეხვედროდა, რის უფლებაც ჰქონდა ზნეობრივად (გერმანიის ძლიერ იმპერიისათვის იგი მხოლოდ ლუკმა იყო) გერმანიისაგან ასეთ აოხრებას ადგილი არ ექნებოდა. მეორეს მხრით, რა შეჰმატა, ან რას შეჰმატებს საფრანგეთი და ინგლისი? ჩვენ კარგად ვიცით, რომ დღეს-დღეობით გაოხრებული ბელგიისათვის ვერც ინგლისი და ვერც საფრანგეთი ისეთს ვერას გააკეთებს, რომ აუნაზღაუროს დანაკლისი, მეორეც, განა ეხლავე არა სჩანს, რომ ინგლისის და საფრანგეთის მცირედი მაშველი ჯარები მარტო აორკეცებენ გერმანიის სისასტიკეს და არავითარ ნამდვილ ფარს არ წარმოადგენენ. ან როგორ შეუძლიანთ, თუნდაც უნდოდეთ, გაუწიონ სხვას მფარველობა, როცა თვითონ აქვთ შინ იმდენი საქმელო საქმე. ან პოლიტიკაში ვის გაუწირავს თავი სხვისათვის? და ნათლადაცა სჩანს, რომ ბელგია დღეს-დღეობით ფარვიით აიფარეს დიდმა სახელწიფოებმა თავისი საკუთარი მიზნებით. რას ჰპირდებიან ახლა სამაგიეროდ? ტერიტორიალური შემატება ბელგიას არსიდან არ შეუძლიან, პოლიტიკური შეღავათი რამ პირვანდელ ნეიტრალიტეტზედ უკეთესი შეუძლებელია წარმოვიდგინოთ, ეკონომიურად და კულტურულად აღდგენას ათ წლობით ვეღარ მოახერხებს; ნუ ვიანგარიშებთ ხალხის ამოკლებას და ხელოვნების საუკეთესო ნიმუშების სამუდამოდ დაღუპვას.

ყველაფერი ეს ამტკიცებს, რომ ბელგიის ყმაწვილმა მეფემ, ჯერედ გამოუცდელმა პოლიტიკაში, მშვენიერს ოცნებებს და სიმართლეს შესწირა თავისი ქვეყანა, ვერ ასწონ-დასწონა მსოფლიო ძალთა განწყობილება. მივიღოთ მხედველობაში ისიც, რომ გერმანიამ ბელგიის ტერიტორიაზედ თვითონაც დიდი მსხვერპლი მოიტანა, როგორც ადამიანთა სისხლით, ისე ფულით, იარაღით და სხ. ბელგია დაიპყრო ძალით და მომავალ მშვიდობიან კონფერენციაზედ, თუ კი ხმა შერჩა იმ დრომდე—ყოველ ღონეს იხმარს, რომ დაპყრობილი ქვეყანა დაპყრობილადვე დარჩეს, მით უფრო, რომ მისმა წინააღმდეგობამ, როგორც თავში ვსთქვით, სრული-



ად შესცვალა საომარი გეგმა და თვით ბელგიაში ნახული ზარალი მესადესაც არ შეადგენს იმ ზარალისას, რომელიც ნახა და კიდევაც ნახავს გერმანია სამთა შეთანხმებასთან ბრძოლაში ბელგიის სიმამაცისა წყალობით. ასეთია ბელგიის პერსპექტივები დიდ სახელმწიფოთა წყალობით.

27 ენკენისთვის ანტვერპენი აიღეს გერმანელებმა. რომ კაცმა გარკვევით გაითვალისწინოს ამ ფაქტის ყოველმხრივი მნიშვნელობა, უნდა წარმოიდგინოს თუ რა მდგომარეობა ექირა და რას წარმოადგენდა ეს ციხე-ქალაქი. ანტვერპენი ერთი უძლიერესი ციხე იყო მთელს ევროპაში, შემოვლელი ოთხპირი სიმაგრეებით. იგი მდებარეობს მდინარე შელდის მარჯვენა ნაპირზედ 15 ვერსის მანძილზედ ჰოლანდიის საზღვრიდან. შელდა ისეა გაგანიერებული ზღვიდან ანტვერპენამდე, რომ თითქმის ზღვის ყურეს შეადგენს და უდიდეს გემებს შეუძლიანთ ქალაქამდე შესვლა. იგი ერთი უკეთესთაგანი ნავთსადგურია, საიდანაც ევროპის და ბელგიის ვაჭრობა სწარმოებს სხვა ქვეყნებთან; იგი ბელგიის ერთი უღონიერესი სტრატეგიული და იმავე დროს ეკონომიური ბურჯი იყო. მისი სიმაგრეები სხვა და სხვა ხარისხოვანი იყვნენ. გარეშე სალტე, რომელიც 15—20 ვერსით არის დაშორებული ქალაქს—წარმოადგენს ცალ-ცალკე ციხე-ფორტებს, რომელსაც აერთებს რკინისა და წყლის გზები; ჩრდილოეთით ამ ფორტებს ხელოვნური არხები და წყლის შესამაგრებელი ჯებირები აკავშირებენ, რომელნიც სურვილისამებრ შეიძლება გაირღვენ და წყლით დაჰფარონ მთელი მიდამოები. ამ პირველ ხაზს მისდევს მეორე 3—5 ვერსის სიშორეზედ, შეერთებული პირველთან და ერთმანეთს შუა საუკეთესო რკინის გზებით და გზატკეცილებით. ამ ხაზის ფორტები რიცხვით 12—15-მდე სულ  $1\frac{1}{2}$ —3 ვერსით არიან დაშორებულნი ერთმანეთს, ისე რომ თითქმის გაუვალ კედელს შეადგენენ არტილერიით და ჯარით გამაგრებულს.

მესამე ხაზი უკვე ქალაქს აკრავს და წარმოადგენს მაგარს კედელს კოშკებით და თხრილით შემოვლელს, ბეტონის გუმბათიან საფარებით და მძიმე არტილერიით შექურვილს.

მეოთხე ხაზი ციტადელია ქალაქისა, შიგნითი ციხე, რომელიც ტენიკის საუცხოვო ნაწარმოებს წარმოადგენს.

ანტვერპენის საციხოვნო ჯარს მიჰმატებია როგორც ეხლა გამოირკვა, გარდა ბელგიის დამარცხებული ჯარებისა ინგლისელთა 8,000 მეზღვაური, ამ რიგად თვით ანტვერპენში უნდა ყოფილიყო არა ნაკლებ 50—60,000 ჯარისკაცისა. გერმანელებმა ჯერ კიდევ 12 ენკენისთვის ანტვერპენს ალყა შემოართეს 125,000 ჯარით, რომ საფრანგეთისაკენ გზა უზრუნველი ყოფილიყო ბელგიელთა და ინგლისელთა თავდასხმისაგან. მოსალოდნელიც იყო, რომ ინგლისელები სტრატეგიულის მოსაზრებით დიდძალს ჯარს მიაშველებდნენ ამ უკანიდან დასაცემ ადგილს, მაგრამ, როგორც ყოველთვის, ეტყობა ინგლისში პოლიტიკურ მოსაზრებათ მეტი გასავალი აქვთ, და ბელგია უმწეოდ იყო მიგდებული თავის ძალთა ანაბარა. გაზეთებმა ისიც კი გადმოგვცეს, რომ ბელგიელ გენერალს ნება არ მიუცია ინგლისელ 8,000-სათვის ციხიდან გასვლის დროს, ზურგი გაემაგრებინა, ისინი წინ გაუსტუმრებიათ, და იმათგანაც 2000 გადასულა ჰოლანდიის ტერიტორიაზე და იარაღი დაუყრია. ეს უკანასკნელი უცნაურობა პირდაპირ განწირვასა ჰყავს ბელგიისას.

ასე თუ ისე ანტვერპენი აღებულა და გამოირკვა საბოლოოდ ის აზრი, რომ ეხლანდელი საომარი იარაღისათვის, ნამეტნავად გერმანელ ახალ საოცარ 40 გოჯიან მძიმე ზარბაზნებისათვის აღარ არის შეუვალი ციხეები; გამოირკვა რომ ციხეებს, რომელნიც მილიონებად უდიდს ყოველ სახელმწიფოს, სრულებით ეკარგებათ თავისი მნიშვნელობა.

მაგრამ გარდა ამ სამხედრო მნიშვნელობისა, ანტვერპენის ადებით გერმანელებმა დიდი ზნეობრივი და ფიზიკური ძალა იგდეს ხელთა. ჯერ ერთი, რაც უნდა იყოს, ეს დიდი გამარჯვებაა, რომლითაც აშკარადდება, რომ ბელგიას ფაქტიურად დამცველი არავინა ჰყავდა გარეშე თავისთავისა. მეორეც ანტვერპენის ადებით, ფაქტიურად ბელგია მთლად გადავიდა გერმანიის ხელში, ვინაიდან უკანასკნელ დროს ბელგიის თვით არსებობის ნიშანი ამ ქალაქში და იყო მომწყვედელი და დარჩენილი გაუვლელი ტერიტორია ოსტენდემდე და თვით ოსტენდემდე ანგარიშში ჩასავდები აღარ ირის; მესამეც ის, რომ ბელგიის ხელში ჩაგდებით, გერმანელები პირდაპირ წარუდგნენ ინგლისს, რომელსაც საფრანგეთ-ბელგიის ჩრდილო კუთხიდან ემუქრებია



აერობლანებისა, ცეპელინების და წყლის ქვეშ მავალ რაზმებით. \*)

ანტერვპენის აღება ანთავისუფლებს აგერედვე იმ საალყო ჯარს, რომელიც გერმანიას დაბანდებული ჰყავდა, ისე რომ სულ უკანასკნელ 100,000 ჯარის კაცი თავის არტილერიით და „საოცარი ზარბაზნებით“ გაამაგრებს საფრანგეთ-ინგლისის მარცხენა ფრთაზედ მებრძოლ ჯარებს.

ანტერვპენის აღებით გერმანიამ „ზურგი მოიმარა“ და სამთა შეთანხმების სტრატეგებს განსაკუთრებული სისწრაფით მოქმედება სჭირიათ რომ დროზედ ისეთი დაპკრან გერმანიას ამ ახალი გამარჯვების მონაგები გაუბათილონ.

ახლო მომავალში უნდა ველოდეთ ამ გაბათილების შედეგებს.

მეომარი.

კახეთის რკინის გზა

კახეთის რკინის გზაზედ ჩვენ ბევრი წერილი დაგვიწერია, ბევრი მელანი და შრომა დაგვიხარჯაეს იმ ხანაში, როცა მისი ბედი სწყდებოდა და მრავალი მტერიც კი შევიძინეთ იმათ შორის, ვინც შეგნებულად თუ შეუგნებლად ღალატობდა დიდ საქმეს და ხელს უშლიდა მის გადასვლას ჩვენს ხელში. იმ დროს ბევრი იწერებოდა კახეთის რკინის გზის ეკონომიურ და ყოველმხრივ მნიშვნელობაზედ, ნამეტნავად მის სიდიადეზედ, როგორც შინა მეურნეობის განვითარების ფაქტორზედ. ჩვენი მკითხველისათვის ეს მხარეები თითქმის ზედმიწევნით არის ცნობილი და მათზედ აღარ შეეჩერდებით. დღეს გვინდა მხოლოდ გავუზიაროთ ის სიხარული, ის გრძნობა კმაყოფილებისა და სიამაყისაც, რომელსაც იწვევს ამ რკინის გზის ამუშავება, მისი „პირველი ნაბიჯები“, თუ ითქმის ასე. ჩვენ მუდამ თვალყურს ვადევნებდით ამ გზის ვითარებას და ყოველი ადლი მისი ღიანდაგისა, ყოველი ხიდი, ყოველი სადგური თვალწინ გვიშლიდა უფრო მკაფიოდ, დაწვრილებით, იმ მნიშვნელობას, რომე-

\*) ეს წერილი აწუთბილი იყო, რომ გაზეტებმა ახალი ამბავი მოიტანეს: გერმანიაში გაცხარებული მუშაობა 50 ახალ წელის ქვეშ მავალ ნაკის ასაკებად და ცეპელინებისათვის წყაღმზადის გასაკეთებლად.

ლიც უნდა ჰქონდეს ამ დიდს მეურნეობას ჩვენთვის. პირველმა სამგზავრო მატარებელმა ორიოდ დღით უსწრო იმ დიდ ეროვნულ უბედურებას, რომელიც ქართული თეატრის დაწვით გვეწვია და იმედი ვიქონიოთ, რომ ეს სიმბოლიური მოვლენაა და ყოველ ჩვენს დანაკლის წინ უსწრობდეს მისებრი დიდმნიშვნელოვანი მონაგები. კახეთის რკ. გზის შერჩენას კი ქართველობის ხელში დიდი ეკონომიურ-კულტურული შედეგები მოსდევს, იმდენად დიდი, რომ შესაძლებელია, თუ საზრიანობა გამოვიჩინეთ, თვით ამ გზამ აგვიშენოს არა ერთი ხელოვნების და მეცნიერების ტაძარი, უფრო მშვენიერი, უფრო მდიდარი, ვიდრე ის, რომელიც წარსულ კვრას გულიდან ამოგვეგლიჯა დაუნდობელმა ცეცხლმა.

მაგრამ საკითხავი სწორედ ეს საზრიანობაა, და ჩვენს დიდს სიხარულში, რომელიც გამოიწვია პირველი მატარებლის გასრიალებამ ალაზნის სამოთხეში, მისმა პირველმა გუგუნმა, — როგორც ზღვას წმინდას ერთვოდა ნაკადი შავი ნალველის, რომ ამ დიდ საქმეშიაც, როგორც ყოველგან ჩვენ საზოგადო საქმეებში, დაიბუდებს უგულო უსაქმურობის უმრავლესობა ბოროტგანმზრახველთა უმცირესობის გვერდით და დაიჩრდილება აქაც ხმა სიმართლისა და სიმხნევისა. მაგრამ უკანასკნელ დროს, ქართველ საზოგადოებაში გარეშე და შინაგან პირობათა შეგავლენით თითქო იღვიძებს უნარი თვითშეგნებისა, უნარი განწმენდისა უშმიდურებისაგან, წარკვეთისა იმ წვერთა, რომელნიც ქრისტეს „ერთი ჭუჭყიანი ღორივით“ მთელ ფარას პილწავენ... თითქო იღვიძებს, და ჩვენც იმედი გვაქვს რომ ახალ საქმეში მაინც იხელმძღვანელებს ქართველი საზოგადოება შეგნებულის არჩევანით და დიდი მექანიზმის ყოველ თვალს, პატარასაც კი, სათანადო და შესაფერ ხელსა და თავს მიუჩენს. რასაკვირველია, ამ საქმეში დიდი ხმა ექნება თავად-აზნაურობას, როგორც პატრონს რკინის გზისას, მაგრამ ქართველმა საზოგადოებამაც დიდი დახმარება უნდა გაუწიოს რომ ისეთი ბრძოლით მოპოებული საქმე ღირსეულად მოაწყოს და აწარმოვოს.

როგორც ვაგიგეთ, ამ წლის ბოლომდის გზა იმდენად იქნება დასრულებული, რომ გაიხსნება წინასწარი მოძრაობა მთელს ღიანდაგზედ თბილისიდან სიღნაღით თელავისაკენ და წნორის წყალზედ; ეს მოძრაობა იქნება როგორც საბარგო, ისე მოგზაურებისათვის, ისე რომ ფაქტიურად კახეთის რკინის გზა ათას-ცხრაას-მეთხუთმეტე ახალს წელი-



წადს კახეთის შუაგულში იდღესასწაულებს და გადაიქცევა იმ ძარღვად, რომელიც განუწყვეტლივ დაიწყებს ზიდვას სხვა და სხვა საქონლისა და ხალხისას კახეთში და კახეთიდან. ეს ძარღვი გადაბამს შიგნით კახეთს ქართლსა და იმერეთთან, აგრედვე კავკასიის სხვა კუთხეებთან და რუსეთთან. ამ ძარღვმა უნდა აამოქმედოს თავის სიგრძეზედ ჩვენი და ვაჭრობა მრეწველობაც, განავითაროს მე-

ურნეობა და ხელი შეუწყოს იმასაც, რაც კახეთში უკვე საუცხოვოდ არის განვითარებული—მეღვინეობასა, მეთამბაქეობას, მეცხვარეობას და სხ.

იმედით დაუხედეთ კახ. რკ. გზის მომავალს და გული გავიკეთოთ მოლოდინით, რომ ღირსეულ საქმეს ღირსეული მოთავეები და მოხელენი ეყოლებიან.

რ. გ.





კაპ. ანტ. მაქ. წუწუნავა  
(დაქრილია).



პორ. ილ. რცხილაძე (მოკ-  
ლულია).



კაპ. ა. ანდრონიკაშვილი  
(ლოვთან დაქრილია).



აეროპლანების სადევნი და დასახვრეტი ჯავშინი ავტომობილის შინაგანი მოწყობილობა და მათი სასროლი ყუმბარები.




# გერმანელთა მომზადება

ცნობილი სამხედრო მწერალი შერფილი, სწერს გერმანიის ჯარზედ, რომ იგი მართლაც საუცხოვოდ არის მოწყობილი მოწინავე. ჯარებს წინ უძღვებიან ჯავშინი ავტომობილები ტყვიის მფრქვევლით. იმათ ბატარებს ჰყავთ მფინავები, რომელნიც თვალყურს ადევნებენ მტრის მოძრაობას და ხელმძღვანელობენ სროლას. ყოველ კარგ მსროლელს აქვს, როგორც იაპონიაში, ღურბინდი. ყოველ ქვეითა რაზმში აქვთ მანძილის მზომელი მანქანა: ყოველ როტაში აქვთ მასალა თხრილების საფარებისათვის.

ჯარში ხმარობენ, ღამის იერიშებისათვის, დიდ პროექტორებს რითაც მტერს ანათებენ და იმავე დროს თვალს უხვევენ. გერმანელები ხელოვნურად სარგებლობენ თავის მდებარეობით, რომელიც უზილავია ხოლმე მტრისათვის. გერმანელებმა იციან როგორ მიაყენონ მტერს საშინელი ზარალი. იმათი ტყვიის მფრქვეველნი, ხან ჯვუფობით ხან ცალცალკე და ყოველთვის კარგად დამალულნი, სთესვენ სიკვდილს. გერმანელთა რაზმების პირველი რიგები

მიდიან მტრისაკენ ძნებს ამოფარებულნი. წინ აყენებენ საუკეთესო მსროლელთ, რომეცნიც სკდილობენ მტრის უფროსები დახოცონ. ეს მსროლელნი ხშირად ხეებზედ აღიან და იქიდან ისვრიან. სრული შეთანხმება, არტილერიის და ქვეითა ჯარის მოქმედებისა. ამ ცოდნას უნდა დაემატოს სამხედრო ხერხიცი: ისინი ხდიან მოკლულ მტრის ჯარისკაცებს ტანისამოსს და აცმევენ თავიასთ მოწინავე რაზმებს. ასეთი ბოროტი მასკარადი, რასაკვირველია შველით გერმანელებს. სასარგებლოა აგრედვე კაცმა იცოდეს მტრის ყოველივე წერიმალი, მაგრამ ყველა ამას უნდა დაემატოს ერთი რამ: ლაშქარი, თუნდაც კარგად მომზადებული, აღჭურვილი ყველაფრით რაც საჭიროა, მაგრამ მარტო მცარცველი და არა იდეით გამსჭვალული — უნდა დამარცხდეს. (რუს. სლ.

- რედაქციამ მიიღო ახალი წიგნები:
- 1) სილოვან ხუნდაძის ლექსები. რომელიც შეიცავს 289 გვერდს და ღირს ერთი მანეთი.
  - 2) „ვინ იყო ილია ქავჭავაძე“ - გამოცემა ი. კერესელიძისა. თხუთმეტი გვერდია, ღირს 3 კაპ.
  - 3) „მედვიეობა“ ქიმ. კ. მოდებაძისა. 39 გვ. ფასი — 5 კაპ.



**ზარბაზნების სამეფო**  
(სხვა და სხვა სისტემის ზარბაზნები უკანასკნელ გამოფენაზედ ამერიკაში).

რედაქტორ-გამომცემელი რ. გაბაშვილი.



# გ ა ნ ც უ ა დ ე ბ ა ნ ი

მიიღება სელის მოწერა 1914 წ.

ყოველ კვირულ საზოგადო-ეკონომიურ

და სალიბერატორო ჟურნალ

## „კლდე“-ზედ.

ფასი წლის ბოლომდის 1 მან. 40 კაპ.

ცალკე ნომერი ყველგან 10 კაპ.

ქ. კორში, დღეს ოქტომბრის 5-ს გამოვა \_\_\_\_\_

\_\_\_\_\_ ზირველი ნომერი უოველდღიური გაზეთის

## „ახალი ქართლი“-სა

ფასი წლიურად 6 მან., თვიურად 75 კაპ., ცალკე ნომერი 5 კაპ.